

續資治通鑑

續資治通鑑卷第二百二

聖主表節部尙書蘇恭有節聖德將北湖寧盛地方務務理其一二等聖節聖德

元紀二十

起剛逢剛教正月盡旃蒙赤奮若八月凡一年有奇

泰定帝

諱伊蘇特穆爾顯宗噶瑪拉之長子裕宗珍戩之嫡孫也初北安王那木罕薨世祖

以噶瑪拉封晉王代鎮北邊至元十三年十月二十九日帝生於晉邸大德六年晉王薨帝襲封是爲嗣

晉王

泰定元年春正月乙未以柰曼岱

舊倫乃馬台今改

爲平章政

事善僧爲右丞相

帝以元夕命有司於禁中張燈山

爲樂監察御史趙師魯上言燕安怠惰肇荒淫之基奇巧珍玩發奢侈之端張燈雖細事而縱耳目之欲則上

累日月之明帝遽命罷之仍賜上尊酒以嘉其忠直

辛丑諸王大臣請立皇太子 壬寅以故丞相拜珠子

達勒瑪實哩爲宗人衛親軍都指揮使徹爾哈爲左右
衛阿蘇親軍都指揮使自延祐末水旱相仍民不聊生
及拜珠入相振立綱紀裁不急之務杜僥倖之門英宗
倚之相與勵精圖治故天下晏然有樂生之心奸臣畏
之卒構禍難特克實等既伏誅帝乃詔有司備儀衛百
官耆宿前導輿拜珠畫像於海雲寺大伦佛事觀者萬
數無不歎愴泣下中書言拜珠盡忠效節殞於羣凶宜
賜褒崇以光後世制贈清忠一德功臣太師上柱國追

封東平王謚忠獻復官其二子以長宿衛拜珠母齊喇

舊倫怯
烈今改

氏年二十二寡居守節初拜珠爲太常禮儀使

方弱冠吏就第請署事適在後圃閱羣戲母厲聲呵之
曰官事不治若所爲豈大臣事耶拜珠淡自克責一日
入內侍晏英宗素知其不飲是日強以數杯旣歸母戒
之曰天子試汝量故強汝飲汝當日益戒懼無酣於酒
又嘗代祀睿宗原廟歸母問之曰眞定官府待汝若何
對曰所待甚重母曰彼以天子威靈汝先世勲德故耳
汝何有焉拜珠之賢母之教也後封東平王夫人 命
僧諷西番經於天光殿 甲辰敕譯列聖制誥及大元

通制刊本賜百官 戊申八番生蠻來附置長官司以撫之 己酉命諸王遠徙者悉還其部召親王圖卜特穆爾於瓊州阿穆爾克於大同初英宗在上都謂拜珠曰朕兄弟實相友愛曩以小人譖愬俾居遠方當亟召還明正小人離間之罪未及召而遇弒至是帝悉召之 甲寅敕高麗王王璋歸國璋嘗請於仁宗降御香南游江浙至寶陀山而還及英宗卽位復請降香於江南許之行至江南遣使急召令騎士擁逼以行璋侍從皆奔竄還至京師命中書省護送本國安置璋遲留不卽發英宗下璋於刑部旣而祝髮置之石佛寺尋又流璋

於吐蕃帝卽位以大赦得還至是命璋還本國仍歸其

藩王印

攷異元史高麗傳載藩王璋事至爲踈畧江南有圓通寺碑刻於延祐六年卽璋南遊江浙時

所篆也元史倫章碑文從玉倫璋今從碑文至璋畱京師及泰定二年卒後諸事俱從鄭仁趾高麗史增載

丙辰賜故監察御史觀音保索約勒哈迪密寶妻子

鈔各千錠 敕封解州鹽池神曰靈富公 賑廣德諸

州饑 虞集赴召至京師除國子司業尋遷秘書少監

翰林侍講學士袁桷辭歸許之桷嘗請購求遼金宋

三史遺書爲議以上所列應采之書最爲該博時不能

用 二月丁巳朔作顯宗影堂 己未修西番佛事於

壽安山僧四十人三年乃罷 庚申監察御史傅巖起

李嘉賓言遼王托克托乘國有隙誅屠骨肉其惡已彰恐懷疑貳如令歸藩譬之縱虎出柙請廢之別立近族以襲其位不報 甲子倫佛事命僧八百人及倡優百戲導帝師游京城先是英宗在上都使左丞蘇蘇召翰林吳澄撰金字藏經序澄曰主上寫經祈福甚盛舉也若用以追薦臣所未知蓋福田利益雖人所樂聞而輪迴之事彼習其學者猶或不言不過謂爲善之人死則上通高明其極品與日月齊光爲惡之人死則下淪汙穢其極下則與沙蟲同類其徒遂爲薦拔之說以惑世人今列聖之神上同日月何庸薦拔且國初以來寫經

追薦不知幾舉若未效是無佛法矣若已效是誣其祖
矣撰爲文辭不可以示後世請俟駕還奏之會南坡之
變事得寢及帝卽位佛事益盛 舊制臺憲歲各舉守
令推官二人有罪連坐至是言其不便庚午命中書復
於常選擇人用之 壬申上大行皇帝尊謚曰睿聖文
孝皇帝廟號英宗國語曰格根舊倫格
堅今改皇帝 甲戌浙
江行省左丞趙簡請開經筵及擇師傅令太子及諸王
大臣子孫學遂命平章政事張珪翰林學士承旨呼圖
魯圖爾密實學士吳澄集賢直學士鄧文原以帝範資
治通鑑大學衍義貞觀政要等書進講復敕右丞相額

森特穆爾

舊作也先鐵木兒今改

領之文原尋以疾致仕歸丁

丑監察御史宋本言逆賊特克實等雖伏誅其黨樞密

副使阿薩爾

舊作阿薩爾今改

身親弑逆以告變得不死竄嶺南

請早正天討先是太廟仁宗室主爲盜竊去久而未獲

本言在法民間失盜捕之違期不獲猶治罪太常失典

守及在京應捕官皆當罷去又言中書宰執日趨禁中

固寵苟安乖旬不至中堂壅滯機務宜戒飭臣僚自非

入宿衛日必詣所署治事皆不報 戊寅監察御史李

嘉賓劾逆黨左阿蘇衛指揮使圖特穆爾罷之 賑紹

興諸路饑 先是至治末詔倫太廟議者習見同堂異

室之制乃倫十二室未及遷奉而國有大故有司疑於
昭穆之次命集議之吳澄議曰世祖混一天下悉攷古
制而行之古者天子七廟廟各爲官太祖居中左三廟
爲昭右三廟爲穆神主各以次遞遷其廟之宮頗如今
之中書六部夫省部之設亦倣金宋豈以宗廟敘次而
不攷古乎時有司以急於行事竟如舊制云 國學舊
法每以積分次第賢以出官執政用監丞張起巖議欲
廢之而以惟擇德行爲務中書左司員外郎許有壬折
之曰積分雖未盡善然可得博學能文之士若曰惟德
行之擇其名固嘉恐皆厚貌淡情專意外飾或情不能

議一丁矣 三月丁亥朔罷徽政院立詹事院 以同

知宣政院事楊廷玉爲中書參知政事

致異楊居仁參知政事以代王

居仁也紀不書王居仁之罷今畧之

以祕書少監虞集爲禮部攷試官

初集與元明善劇論以相切劇明善言集治諸經惟程朱諸儒傳註耳自漢以來先儒所嘗盡心者攷之殊未博集初不相下後以明善之言爲然每見明經之士卽以其言告之至是謂同列曰國家科目之法諸經傳注各有所主者將以一道德同風俗非欲使學者專門擅業如近代五經學究之固陋也聖經淡遠非一人之見可盡試藝之文惟其高者取之不必先有主意若先定

主意則求賢之心狹而差自此始矣後兩爲攷官率持是說故所取每稱得人 戊戌廷試進士賜巴喇張益等八十四人及第出身會試下第者亦賜教官有差

庚子以四川行省平章政事囊嘉岱兼宣政院使往征

西蕃 丙午御大明殿冊巴拜哈斯舊伦巴不罕今改氏爲皇

后皇子喇實晉巴舊伦阿速吉八今改爲皇太子 尸西以皇子

巴的瑪伊爾克布嗣封晉王 泰寧王邁努卒以其子

策璘沁多爾濟嗣 庚戌監察御史宋本李嘉賓傅巖

起言太尉司徒司空三公之職濫假僧人及會福殊祥

二院竝辱名爵請罷之不報 以臨洮諸縣旱饑賑之

廣西橫州徭寇永淳縣 夏四月戊午廉恂罷爲集
賢大學士食其祿終身 己未以硃字詔賜帝師所居
薩斯嘉部 庚申詔整飭御史臺 倫昭聖皇后御容
殿於普慶寺 親王圖卜特穆爾還至潭州有詔止之
居數月乃行辛酉至上都賜車帳駝馬 甲子帝如上
都以講臣多高年命虞集與侍讀學士王結執經以從
集自是歲常在行經筵之制取經史中切於心德治道
者用國語漢文兩進讀潤譯之際患夫陳聖學者未易
盡其要指時務者難於極其情每選一時精於其學者
爲之猶數日乃成一篇集爲反復古今名物之辨以通

之然後得以無訛其辭之所達萬不及一則未嘗不逞

而竊歎也 發兵民築渾河隄 辛未月食既 癸酉

以太子詹事圖們特爾舊倫禿滿為中書平章政事奕

宰相表倫五月今從紀 甲戌命咒師倫佛事以厭雷 庚辰以

風烈月食地震手詔戒飭百官竝令大都守臣集議以

聞王結昌言於朝曰今朝廷君子小人混淆刑政不明

官賞太濫故陰陽錯謬咎徵薦臻宜修政事以弭天變

時宿衛士自北方來者復遣歸乃百十為羣剽劫殺人

桓州道中既逮捕舒瑪爾節舊倫旭邁奏釋之蒙古千

戶使京師宿邸中適民間朱甲妻女車過邸門千戶悅

續資治通鑑 卷二百二 七

之并從者奪以入朱泣訴於中書舒瑪爾節庇不問於是國子監丞宋本復抗言特克實餘黨未誅仁廟神主盜未得桓州盜未治朱甲冤未伸刑政失度民憤天怨災異之見職此之由辭氣激奮眾皆聳聽 辛巳太廟

新殿成 五月丁亥監察御史董鵬南劉潛等以災異

上言平章柰曼台宣政院使特穆爾布哈詹事圖們達

爾黨附逆徒身虧臣節太常守廟不謹遼王擅殺宗親

布哈寶里矯制亂法皆蒙寬宥甚爲失刑宜定其罪以

銷天變不允 己丑帝諭都爾蘇

舊倫倒刺沙今改

曰朕卽位

以來無一人能執法爲朕言者知而不言則不忠且陷

人於罪繼自今凡有所知宜悉以聞使朕明知法度斷不敢自縱非獨朕身天下一切政務能守法以行則眾皆又安反是則天下罹於憂苦矣又曰凡事防之於小則易救之於大則難爾其以朕言明告於眾俾知所慎壬辰御史臺圖呼魯寧珠言御史奏災異屢見宰相宜避位以應天變可否仰自聖裁顧惟臣等爲陛下耳目有徇私違法者不能糾察慢官失守宜先退避以授賢能帝曰御史所言其失在朕卿等何必遽爾圖呼魯又言臣已老病恐誤大事乞先退於是中書省臣烏溫都爾張珪楊廷玉皆抗疏乞罷丞相舒瑪爾節都爾蘇

言比者災異陛下以憂天下爲心反躬自責謹遵祖宗
聖訓修德慎行敕臣等各勤乃職手詔至大都居守信
臣皆引罪自劾臣等爲左右相才下識昏當國大任無
所襄贊以致災祲罪在臣等所當退黜諸臣何罪帝曰
卿若皆辭避而去國家大事朕孰與圖之宜各相諭以
勉乃職 癸巳前翰林學士小雲石哈雅卒贈集賢學
士追封京兆郡公謚文靖初議科舉事小雲石哈雅多
所建明忽喟然嘆曰辭尊居卑咎賢所尙也今禁林清
選與所讓軍資孰高人將議吾後矣乃稱疾辭還江南
賣藥於錢塘市中詭姓名易服色人無有識之者 戊

午遷列聖神主於太廟新殿 辛丑循州徭寇長樂縣

丙午御史高奎上書請求直言辨邪正明賞罰帝善其言賜以鉞獎 己酉賓州民方二爲寇有司捕擒之

癸丑詹事丞回回請如裕宗故事擇名儒輔太子敕中書省臣訪求以聞回回博果密之子庫庫之兄也敦默寡言嗜學能文歷山南淮西河南廉訪使皆有政聲

中書平章政事張珪與樞密院御史臺翰林集賢兩院官極論當世得失與左右司員外郎宋文纘詣上都奏之其畧曰前宰相特們德爾奸狡險淡陰謀叢出專政十年始以賊敗諂附權奸實勒們及嬖幸額勒實班

之徒苟全其生尋任太子太師未幾仁宗賓天乘時幸
變再入中書當英廟之初與實勒們等恩義相許表裏
爲奸誣殺蕭楊等以快私怨天討元兇實勒們之黨旣
誅坐要上功遂獲信任諸子內布宿衛外據顯要蔽上
抑下杜絕言路賣官鬻獄威福已出由是羣邪竝進如
逆賊特克實之徒名爲義子實其心腹構成弑逆其子
索諾木親與逆謀雖剖棺戮尸誅滅其家猶不足以蔽
罪今復回給所籍家產諸子尙在京師夤緣再入宿衛
世祖時阿哈瑪特貪殘敗事雖死猶正其罪況如特們
德爾之奸惡者哉宜遵成憲仍籍特們德爾家產違竄

其子孫外郡以懲大奸特克實之黨結謀弑逆天下之人痛心疾首比奉旨諸王額特布哈等亦已流竄逆黨脇從者眾何可盡誅後之言事者其勿復舉臣等議古法弑逆凡在官者殺無赦聖朝立法強盜劫殺庶民其同情者猶且首從俱罪況弑逆之黨天地不容宜誅額特布哈之徒以謝天下遼王托克托位冠宗室居鎮遼東乘國家有變報復讐忿殺親王妃主百餘人分其羊馬畜產殘忍骨肉間者切齒今不之罪乃復厚賜放還臣恐國之綱紀由此不振且遼東地廣素號重鎮若使托克托久居彼旣縱肆將無忌憚況令死者含冤感傷

和氣宜削奪其爵土置之他所以彰天威武備卿濟里
舊倫即前太尉布哈以累朝待遇之隆俱致高列不思
烈今改補報專務奸欺矯制令鷹師強收鄭國寶妻古哈刑曹
逮鞫服實竟原其罪夫匹婦含冤三年不雨以此論之
卽非細務宜以濟里布哈仍付刑曹鞫正其罪賈胡中
賣寶物始自成宗分珠寸石售直萬金以經國有用之
鈔而易此不濟饑寒之物大抵皆時貴與中貴之人妄
稱呈獻冒給回賜高其價直且至十倍蠶蠹國財暗行
分用宜下令禁止其累朝未酬寶價俟國用饒給日議
之比者建西山寺損軍害民費以億萬計近詔雖罷之

又聞奸人乘間奏請復欲興修宜守前詔示民有信蕭拜珠楊多爾濟等枉遭誣陷籍其家以分賜人比奉明詔還給元業子孫奉祀家廟修葺苟完未及寧處復以其家財仍賜舊人止酬以直卽與再罹斷沒無異宜如前詔以元業還之量其直以酬後所賜者則人無冤憤矣額森特穆爾之徒遇朱太醫妻女過省門外強拽以入姦宿館所有司以扈從上都爲解竟勿就鞫宜遵世祖成憲以奸人付有司鞠之廣州東莞縣大步海及惠州珠池始自大德元年奸民劉進程連言利分蠶戶七百餘家官給之糧三年一采僅獲小珠五兩六兩入水

爲蟲魚傷死者眾遂罷珠戶爲民其後同知廣州路事
塔齊爾等又獻利於實勒們創設提舉司監采廉訪司
言其擾民復罷歸有司旣而內正少卿魏溫都爾冒啟
中旨馳驛督采耗廩倉疲民驛非世祖舊制請悉罷之
特克寶弒逆之變學士布哈指揮布延呼里院使圖古
思皆以無罪死特們德爾專權之際御史徐元素以言
事鎖項死東平及賈圖沁布哈之屬皆未申理宜追贈
死者優敘其子孫內外增置官署員冗俸濫白丁驟降
出身入流壅塞日甚軍民俱蒙其害宜悉遵世祖成憲
凡至元三十年以後改陞創設員冗者悉減併除罷之

自古聖君惟誠於治政可以動天地感鬼神未嘗徼神於僧道也至元三十年醮祠佛事之目止百有六大德七年再立功德使司積五百餘僧徒又復營幹近侍買佗佛事歲用鈔數千萬錠僧徒貪慕貨利養妻子彼行既不修潔適足褻慢天神何以要福比年佛事愈繁累朝享國不永致災愈速事無應驗斷可知矣立罷功德使司其在至元三十年以前及累朝忌日醮祠佛事名目止令宣政院主領修舉餘悉罷游惰之徒妄投宿衛部屬及宦者女紅太醫陰陽之屬不可勝數一人收籍一門調復一歲所請衣馬芻糧數十戶所徵入不足以

給之耗國損民爲甚宜如世祖時支請之數給之餘悉
簡汰參卜郎盜始者劫殺使臣利其財物而已至用大
師期年不戢傷我士卒費國貲糧宜遣良使抵巢招諭
仍敕邊吏勿生事則遠人格矣世祖時淮北內地惟輸
丁稅特們德爾爲相專務聚斂遣使括勘兩淮河南田
土重併科糧又以兩淮荆襄沙磧倫熟收徵徵名興利
農民流徙宜如舊制止徵丁稅其括勘之糧及沙磧之
稅悉除之世祖左右之臣雖甚愛幸未聞無功而給一
賞者比年賞賜泛濫蓋因近侍之人窺伺天顏嘉悅之
際或稱乏財無居或稱嫁女娶婦或以技物呈獻遞互

奏請要求賞賜既傷財用復啟倖門自今以後非有功
勲勞效著明實跡不宜加以賞賜請著爲令議凡數千
言辭甚剴切六月庚申珪至上都奏上帝不允珪復進
曰臣聞日會修德月會修刑應天以實不以文動民以
行不以言刑政失平故天象應之惟陛下矜察允臣等
議悉行之帝終不能用 癸亥佺禮拜寺於上都及大
同路 丙寅遣使招諭西番 遣庫庫楚等詣高麗取
女子三十人 廣西左右兩江黃勝許岑世興乞遣其
子弟朝貢許之 丁卯大幄殿成 癸酉帝受佛戒於
帝師 己卯詔疏浚繫囚存恤軍士免天下和買雜役

三年蠶戶差稅一年遠仕瘴地身故不得歸葬妻子流落者有司資給遣還仍著爲令 雲南大地路你囊爲

寇 是月大同渾源河真定滹沱河陝西渭水黑水渠州江水皆溢竝漂民廬舍 秋七月丙戌思州平茶楊大車酉陽州冉世昌寇小石耶凱江等寨調兵捕之

癸卯罷廣州福建等處采珠蠶戶爲民仍免差稅一年 丁未中書省言東宮衛士先朝止三千人今增至萬

七千請命詹事院汰去仍依舊制從之 戊申以籍入

特們德爾及子班坦觀音努貨產給還其家 是月朝

邑楚邱濮陽黃河溢固安州清河溢任縣沙澧洛水皆

濫真定廣平盧州等十一郡雨傷稼龍慶州雨雹大如雞卵平地深三尺定州唐河濫山崩免河渠營田租餘賑卹有差 廣西慶遠徭酋潘父絹等率眾來降署簿尉等官有差 八月丙辰享太廟 丁巳禁言赦前事

庚申市牝馬萬匹取湏酒 庚午倫中宮金脊殿

辛未繪帝師帕克斯巴舊倫八思巴今改像十一頒各行省俾

塑祀之 丁丑帝至自上都 罷浚玉泉山河役 癸

未秦州成紀縣大雨山崩水濫壅土至來谷河成邱阜

九月丙申葺太祖神御殿 乙巳昭聖元獻皇后忌

日修佛事飯僧萬人 癸丑奉元路長安縣大雨澧水

溫延安路洛水溫 冬十月丁巳監察御史王士元請
早諭教太子帝嘉納之 戊午享太廟 庚申命左右
相日直禁中有事則赴中書 己巳雲南車里蠻爲寇
遣鄂爾多招諭之其酋出降 壬申安南國世子陳日
燿遣使朝貢 眞州珠金沙河吳江州諸河淤塞詔有
司傭民丁浚之 丁丑封親王圖卜特穆爾爲懷王賜
金印 徙封雲南王旺沁舊倫王
禪今改爲梁王仍以其子特
穆爾襲封雲南王 壬午肇慶徭黃寶才等降 延安
路饑發義倉賑之廣東道及武昌江夏縣饑賑糶有差
以魯國大長公主女適懷王 十一月癸巳遣兵部

員外郎宋本吏部員外郎鄭立阿魯輝工部主事張成
太史院都事費著分調閩海兩廣雲南四川選 辛丑
造金寶蓋飾以七寶貯佛舍利 甲辰倫歇山鹿頂樓

於上都 庚戌招諭融州蠻 賑河間等路饑 十二

月癸丑以岑世興黃勝許爲安遠大將軍遙領漢洞軍
民安撫使世興仍來安路總管勝許致仕其子志熟襲

上思州知州 乙卯雲南徭阿吾及歪鬧爲寇行省督

兵捕之 庚申同州地震有聲如雷 癸亥鹽官州海

水溢屢壞隄障浸城郭遣使祀海神仍與有司視形勢
所便還請壘石爲塘帝曰築塘是重勞吾民也其增石

回捍禦 丙寅命翰林國史院纂修英宗顯宗實錄

敕內外百官凡行朝賀等禮雨雪免朝服 辛未新佺

棕殿成 己亥太白經天 曲赦重囚三十八人爲三

宮祈福 夔路容米洞蠻田先什用等九洞爲寇四川

行省遣使諭降五洞餘發兵捕之 太子賓客巴圖江

浙行省平章鄂囉歡之次子也以疾辭職寓居高郵英

宗命爲江南行臺御史大夫巴圖固辭詔以平章之祿

歸養於家復賜鈔十萬緡所服藥須空青詔遣使江南

訪求之巴圖辭謝曰臣曩膺重寄深懼弗稱况敢叨濫

厚祿以受重賜乎并以所給平章之祿歸有司是歲還

庚子姚燁以河水屢決請立行都水監於汴梁倣古法
備捍仍命瀕河州縣正官皆兼知河防事從之 丙午
造玉御牀 賑通鄆二州饑大都鳳翔諸路饑賑糶有
差 三月癸丑修曹州濟陰縣河隄役民丁一萬八千
五百人 甲寅禁捕天鷲 辛酉咸平府清河滄河合
流失故道壞隄堰敕蒙古軍千人及民丁修之 乙丑
帝如上都 乙亥安南來貢方物 荊門州旱肇慶諸
路饑賑之 監察御史策丹舊倫自當今改從帝至上都疏糾
中書參知政事楊庭玉贓罪不報卽納印還京師帝遣
使召復任夏四月策丹復上章劾庭玉罷職鞠訊竟如

所言又劾平章政事圖們岱爾入集賽之日英宗遇弒
必預聞其謀帝不省而賜圖們岱爾帶策丹遂辭職改
工部員外郎 丁亥伦吾殿 癸巳和市牝馬有駒者
萬匹敕宿衛馳馬散牧民間者歸官廩飼之 丁酉漢
州鄆城縣言城西堯冢上有佛寺請徙之不報 丙午
契夷及蒐雁遮殺雲南行省所遣諭蠻使者敕追捕之
丁未封后父和勒克察爾爲威靖王 戊申以許師
敬爲中書左丞中政使馮亨爲中書參知政事仍中政
使 鞏昌路伏羌路大雨山崩 五月辛酉高麗國王
王璋率璋之畱京師也構萬卷堂於其邸招致閩復姚

燧趙孟頫虞集等與之游處以攷究自娛時有鮮卑僧
上言帝師帕克斯巴制蒙古字以利國家宜今天下立
祠比孔子有詔公卿耆老會議國公楊安普力主其說
璋謂安普曰師製字有功於國祀之自應古典何必比
之孔氏孔氏百王之師其得通祀以德不以功後世恐
有異論言雖不納聞者躋之科舉之設璋嘗以姚燧之
言白於仁宗及李孟執政遂奏行焉其端實自璋發也
右丞相圖嚕罷帝欲以璋爲相璋固辭曰臣小國藩宣
之寄猶懼不任乞付於子況朝廷之上相哉敢以死請
帝笑曰固知渠善避權也性好賢疾惡尤喜談宋事嘗

使僚佐讀東都事畧至王曰李沆富弼韓琦范仲淹歐陽修司馬光諸傳必舉手加額以致景慕至丁謂蔡京章惇等傳未嘗不切齒憤惋及是卒於京邸賜諡曰忠宣 辛未遣察納使於周王和寶拉 丙子舒瑪爾節等以國用不足請裁廢馬汰衛士及節諸王濫賜從之 浙西諸郡霖雨江湖水溢命江浙行省興役疏洩之 置諫議書院於昌平縣祀唐劉蕡 大都路檀州大水平地淡丈有五尺汴梁路十五縣河溢江陵路江溢 六月己卯劾皇子生命巫被除於官 葺萬歲山殿 廣西靜江猺爲寇宣慰使發兵討捕旣而柳州猺亦

謀變戍兵討斬之 癸未潯州平南縣獠爲寇達嚙嚙

齊圖堅都監姚泰亨死之 丙申中書參知政事尊達

布哈舊倫左塔不花今改言大臣兼領軍衛前古所無特克實以

御史大夫額森特穆爾以知樞密院事皆領衛兵如虎
而翼故戍逆謀今軍衛之職請勿以大臣領之庶勲舊
之家得以保全從之仍賜幣帛以旌其直 丁酉敕廣

西守將捕靜江獠寇旋命湖廣行省督所屬捕柳州獠

息州民趙丑厮郭菩薩妖言彌勒佛當有天下有司

以聞命宗正府刑部樞密院御史臺及河南行省官雜

鞠之 丁未立都水庸田使司浚吳松二江 通州三

河縣大雨水丈餘潼川府綿江中江水溢入城郭莫寧
路汾水溢秦州秦安山移 秋七月庚戌遣阿實特祀
宅神於北部行幄 甲寅寧珠許師敬編類帝訓成請
於經筵進講仍俾皇太子觀覽命譯其書以進 丙辰
享太廟 播州蠻黎平夔等集羣夷爲寇湖廣行省請
兵討之不許詔播州宣撫使楊額勒布哈招諭之 戊
午遣使代祀龍虎武當二山 己未置車里軍民總管
府以土人寒賽爲總管佩金虎符 申書省言往歲征
徭廉訪使劾其濫殺今凡出師請廉訪司官一員蒞軍
糾正從之 癸亥以許師敬及郎中邁間兼經筵官

廣西諸徭寇城邑遣湖廣行省左丞奇珠兵部尙書李大成中書舍人邁間將兵二萬二千人討之仍以諸王鄂爾多罕監其軍 庚午以國用不足罷書金字藏經

辛未立河南行都水監 申禁漢人藏執兵仗有軍

籍者出征則給之還復歸於官 壬申御史臺言廉訪

司蒞軍非世祖舊制買胡鬻寶西僧修佛事所費不貲

於國無益竝宜除罷從之 敕太傅圖台太保圖呼嚕

日至禁中集議國事 敕山東州縣收養流民遺棄子

女 是月宗仁衛屯田隕霜殺禾睢州河決 八月戊

子修上都香殿 辛卯雲南白夷寇雲龍州 辛丑敕

諸王私入京者勿供其所用諸部曲宿衛私入京者罪之
衛輝路汲縣河溢

續資治通鑑卷第二百三

賜遣使節都督諸蕃暨有御製經湖北海寧等處之益務理現編其二等輕重加其

元紀二十一

起旃蒙赤奮若九月盡疆圉單闕十二月凡二年有奇

秦定帝

秦定二年九月戊申朔分天下爲十八道遣使宣撫詔曰朕祇承洪業夙夜惟寅凡所以圖治者悉遵祖宗成憲曩屢詔中外百官宣布德澤調賦詳刑賑恤貧民思與黎元共享有土之樂尙慮有司未體朕意庶政或闕惠澤未洽承宣者失於撫綏司憲者怠於糾察俾吾民重困朕甚愍焉今遣奉使宣撫分行諸道按問官吏不

法詢民疾苦審理冤沈凡可以興利除害從宜舉行有罪者四品以上停職申請五品以下就便處決其有政績尤異暨晦迹邱園才堪輔治者具以名聞太史院使齊履謙之江西福建宣撫黜罷官吏之貪汙者四百餘人蠲免括地虛加糧數萬石州縣有以先賢子孫充防夫諸役者悉罷遣之福建憲司職田每畝歲輸米三石民不勝苦履謙命準令輸之由是召怨及還京憲司果誣以它事未幾誣履謙者皆坐事免履謙始得直復爲太史院使以郡縣饑詔運米十五萬石貯瀕河諸倉以備賑救仍敕有司置義倉募富民入粟拜官二千石

從七品千石正八品五百石從八品三百石正九品不
願仕者旌其門 己酉海運江南糧百七十萬石至京
師 癸丑帝至自上都 甲寅禁饑民結扁檐社傷人
者杖一百著爲令 乙卯享太廟 己未懷遠大將軍
來安路總管岑世興上言自明其不反請置蒙古漢人
監貳官優詔從之 丁丑浚河開陳玉帶河 禮部員
外郎元永貞言特克寶弒逆皆由特們德爾始禍請明
其罪仍錄付史館以爲人臣之戒 漢中道文州霖雨
山崩開元路三河溢 是秋以太子賓客曹元用爲禮
部尙書兼經筵官及大朝會爲糾儀官申卷班之令俾

以序還無爭門而出之擾又謂太醫儀鳳教坊等官不常序正班當自爲一列後皆行之時宰執有欲罷科舉者元用以爲國家文治正在於此何可罷也又有欲損太廟四時之祭止存冬祭者元用謂禴祀烝嘗四時之享不可闕一乃經禮之大者其可惜費而廢禮乎 冬十月戊寅朔張珪歸保定上冢以病辭祿不允 岑世興及子特穆爾率眾寇上林等州命撫諭之 癸未以都爾蘇爲御史大夫 丁亥享太廟 翰林學士吳澄致仕先是澄廟議不行已有去志會修英宗實錄命總其事居數月實錄成未上卽移疾不出中書左丞許師

敬奉詔賜宴國史院仍致朝廷勉留之意宴罷卽出城
登舟去中書聞之遣官驛追不及而還言於帝曰吳澄
國之名儒朝之舊德今請老而歸不忍重勞之宜有所
褒異詔加資善大夫仍以金織文綺二及鈔五千賀賜
之 乙未皇后受佛戒於帝師 丁酉廣西徭酋何重
降請防邊自效許之 十一月戊申朔周王和實拉遣
使以豹來獻 庚戌舒瑪爾節以歲饑請罷皇后上都
營繕從之 寧珠以病乞罷不允 丙辰郭菩薩等伏
誅杖流其黨 丁巳幸大承華普慶寺祀昭獻元聖皇
后於影堂賜僧鈔千錠 岑世興結八番蠻班光金等

合兵攻石頭等寨敕調兵禦之八番宣慰使官以失備
坐罪 庚申倭舶來互市初成宗遣僧使日本而日本
人竟不至至是越二十餘年始來互市 壬戌敕軍民
官蔭襲者由本貫圖宗支申請銓授 丙寅都爾蘇復
爲中書左丞相錄軍國重事 都爾蘇密專命令不使
中外預知監察御史趙師魯上言古之人君將有言也
必先慮之於心咨之於孤決之於故老大臣然後行之
未有獨出柄臣之意不咨眾謀者也不報都爾蘇雖剛
很亦服其敢言 丁卯罷蒙山鉅冶提舉司命瑞州路
領之 壬申諸王鄂爾多罕以追捕廣西猺寇上聞帝

曰朕自卽位累詔天下憫恤黎元惟廣獠屢叛殺掠良民故命鄂爾多罕等討之今聞迎降者甚眾宜更以恩撫之若果不悛嚴兵追捕 常德路水民饑賑之 十

二月戊寅以達實特穆爾

舊伦塔失帖木兒今改

爲中書右丞相

錄軍國重事監修國史封薊國公 乙酉帝復受佛戒於帝師旋以帝師之弟將至詔中書持羊酒郊勞而其兄遂尙公上封白蘭王賜金印給圓符其弟子之號司空司徒國公佩金玉印章者前後相望爲其徒者怙勢恣睢氣焰薰灼延於四方爲害不可勝言 監察御史李昌言臣嘗經平涼府靜會定西等州見西番僧佩金

字圓符絡繹道路馳驅累百傳舍至不能容則假館民舍因迫逐男子姦汚婦女奉元一路自正月至七月往返者百八十五次用馬至八百四十餘匹較之諸王行省之使十多六七驛戶無所控訴臺察莫敢誰何且國家之製圓符本爲邊防警報之虞僧人何事而輒佩之請更正僧人給驛法且令臺憲得以糾察當時以爲切論 丁亥修益頂殿 鎮南王圖布哈薨遣中書平章政事柰曼岱攝鎮其地 中書省言山東陝西湖廣地接戎夷請議選宗室往鎮從之 申禁圖識私藏不獻者罪之 京師多盜癸巳達實特穆爾請處決重囚增

調邏卒仍立捕盜賞格從之 甲午召張珪於保定

壬寅中書左丞趙簡請行區田法於內地以宋董煟所
編救荒活民書頒州縣 是歲御河水溢 廣西溪洞

自岑世興而外諸獠所在爲寇朝廷命行省督所屬討
捕之尋遣使奉詔分諭或梗或降終未能悉平也 以

故翰林學士布哈中政使布延圖 舊倫普顏
篤今改 指揮使布

延呼爾爲特克實等所繫死贈功臣號及階勲爵諡

富珠哩翀以國子司業出爲河南行省左右司郎中丞
相曰吾得賢佐矣翀曰世祖立法成憲具在慎守足矣
譬若乘舟非一人之力所能運也翀乃開壅除弊省務

爲之一新

秦定三年春正月丙午播州宣慰使楊薩爾布哈招諭
蠻酋黎平慶等來降 戊申元江路總管普雙叛命雲
南行省招捕 壬子封諸王寬徹布哈爲威順王鎮湖
廣邁努爲宣靖王鎮益都 以山東湖廣官田賜民耕
墾人三頃仍給牛具 徵前翰林學士吳澄不起 置
都水庸田司於松江掌江南河渠水利 戊辰緬國亂
遣使乞援 安南國阮叩寇思明路命湖廣行省督兵
備之 賑大都屬縣饑 二月丁丑購能首告謀逆厭
魅者立賞格諭中外 壬午廣西全茗州土官許文傑

率諸獠以叛寇若盈州般知州事李德卿等命湖廣行
省督兵捕之 丁亥中書省臣請罷征獠敕諸王鄂爾
多罕等班師其鎮戍者如故 甲午葺眞定玉華宮

丙申建顯宗神御殿於盧師寺賜額曰大天源延壽寺
敕以金書西番字藏經 戊戌瓜哇來貢方物 庚

子以通政院使察納爲中書平章政事 甲辰帝如土

都 歸德府屬縣河決民饑賑之復賑河間建昌諸路

饑 三月乙巳朔帝以不雨自責命審決重囚遣使分

祀五嶽四瀆之神及名山大川并京城寺觀 丁未敕

百官集議急務中書省臣等請汰衛士節濫賞罷營繕

防緜寇諸寺官署坑冶等事歸中書並從之 壬子崇

星於司天臺 癸丑八番巖霞洞蠻來降願歲輸布二

千五百匹設蠻夷官鎮撫之 乙卯申禁民間龍文織

幣 戊午詔安撫緬國 甲子命功德使司簡歲修佛

事一百二十七 丙寅翰林承旨阿林特穆爾許師敬

譯帝訓成更名曰皇圖大訓教授皇太子 辛未泉州

民阮鳳子倫亂寇陷城邑軍民官以失討坐罪 癸酉

懷王圖卜特穆爾子伊勒哲伯舊倫懿璘質班今改生 畿內河

北山東諸路饑張珪赴召入見帝問曰卿來時民間如

何珪曰臣老矣少賓客不能遠知保定真定河間臣鄉

里也民饑甚朝廷雖賑以金帛惠未及者十五六帝惻然命賑糧至是復令免三路及濟南等郡縣民租之半夏四月丙戌鎮安路總管岑修廣爲弟修仁所攻來告命湖廣行省辨治之戊戌米洞蠻田先什用等結十二洞蠻寇長陽縣湖廣行省遣九姓長官彭忽多布哈招之田先什用等五洞降餘發兵討之修夏津武城河隄二十三所役丁萬七千五百人以虞集爲翰林學士兼國子祭酒集嘗因講罷論京師恃東南海運實竭民力以航不測非所以寬遠人而因地利也乃與同列上言京師之東瀕海數千里北極遼海南濱青齊

崔葦之場也海潮日至淤爲沃壤用浙人之法築隄捍水爲田聽富民欲得官者合其畝分授以地官定其畔以爲隄能以萬夫耕者授以萬夫之田爲萬夫之長千夫百夫亦如之察其惰者而易之一年勿征也二年勿征也三年視其成以地之高下定額於朝廷以次漸征之五年有積蓄命以官就所儲給以祿十年佩之符印得以傳子孫如軍官之法則東方民兵數萬可以近衛京師外禦島夷遠寬東南海運以紓疲民遂富民得官之志而獲其用江海游食盜賊之類皆有所歸議者以爲一有此制則執事者必以賄成而不可爲事遂寢其

後海口萬戶之設大畧宗之 五月乙巳修鎮雷佛事

三十一所 罷造福建歲貢蔗錫 禁西僧馳驛擾民

始從李昌奏也 甲寅八百媳婦蠻遣子來朝 甲子

中書會歲鈔出納之數請節用以補不足從之 監察

御史劾宣撫使多爾濟巴勒學士李達喇哈劉紹祖庸

鄙不勝任中書議三人皆勲舊子孫罪無實狀乞復其

職仍敕憲臺勿以空言妄劾從之 丁卯岑世興及鎮

安路岑修文台山獠角蠻六萬餘人為寇命湖廣雲南

行省招諭之 遣指揮使烏圖曼鐫西番咒語於居庸

關崖石 庚午乞住招諭永明縣五洞獠來降 徵處

士札實

舊倫
思今改

至上都札實其先大倉國人後家於真

定博極羣籍見諸踐履皆篤實之學延祐初詔以科舉
取士有勸其就試者札實不應既而侍御史郭思貞翰
林學士劉庶參知政事王士熙交章論薦及是以遺逸
徵見帝於龍虎臺眷遇優渥時都爾蘇柄國西域人多
附焉札實獨不往見都爾蘇屢使人招致之卽以養親
辭歸 六月癸酉朔以圖哈特穆爾爲四川行省平章
政事請終母喪從之 癸未播州蠻黎平變復叛合謝
烏窮爲寇宣撫使楊雅爾布哈招平變出降烏窮不附
命湖廣行省討之 丁酉遣道士吳全節修醮事於龍

虎三茅閣阜三山 戊戌遣使祀解州鹽池神 中書

省臣言比來郡縣旱蝗臣等不能調燮故災異降戒今當恐懼修省力行善政亦冀陛下敬慎修德憫恤生民帝嘉納之 己亥納皇姊嘉寧公主之女於中宮 道

州路櫟所源瑤爲寇命奇珠督兵捕之 大昌屯河決

秋七月甲辰車駕發上都禁車騎踐民禾 造豸豹

毳車三十兩 丙午享太廟 丁未紹慶酉陽寨冉世

昌及河惹洞蠻爲亂 甲寅幸大乾符寺敕鑄五方佛

銅像 乙卯詔翰林侍講學士阿嚕衛直學士雅克齊

譚世祖聖訓以備經筵進講 戊午遣日本僧瑞興等

四十人還國 倫別殿於潛邸 敕入粟拜官者準致
仕銓格 乙丑發兵修野狐色澤桑乾三嶺道 戊辰
太白經天 河決鄭州陽武縣漂萬六千五百餘家賑
之 大同渾源河溢檀順等州兩河決溫榆水溢 八
月甲戌烏伯都拉許師敬竝以災變饑歉乞解政柄不
允 甲申享太廟 長春宮道士藍道元以罪被黜詔
道士有妻者悉給徭役 寧遠州洞蠻刁用爲寇命雲
南行省備之 辛卯雲南行省丞相伊爾吉岱廉訪副
使薩圖濟岱以使酒相抵狀聞詔兩釋之 甲午以災
變罷獵罷行宣政院及功德使免武備寺逋負兵器

辛丑帝次中都 蓋頂殿成 戶部尙書郭良坐贓免

伦天妃宮於海津鎮 詔諭廉州蠶戶復業 鹽官

州大風海溢壞隄防三十餘里遣使祭海神不止徙民
居千二百五十家 大都昌平大風壞居民九百家

揚州崇明州大風雨海水溢溺死者給棺斂之 九月
庚申帝還大都 壬戌以察納領度支事 癸亥中書

省言今國用不給陛下當法世祖之勤儉以爲永圖臣
等在職苟有濫承恩賞者必當回奏帝嘉納之 汾州

平遙縣汾水溢 冬十月辛未朔發卒四千治通州道

庚辰享太廟 辛巳天壽節遣道士祀衛輝太一萬

壽宮敕中書省遣官從行備供億 癸未河水溢汴梁
路樂利隄壞役丁夫六萬四千人築之 京師饑發粟
八十萬石減價糶之 賜大天源延壽寺鈔二萬錠吉
安臨江二路田千頃中書省言養給軍民必藉地利世
祖建大宣文宏教等寺賜永業當時已號虛費而成宗
復構天壽萬寧寺較之世祖用增倍半若武宗之崇恩
福元仁宗之承華普慶租權所入抑又甚焉英宗鑿山
開寺損兵傷農而卒無益夫土地祖宗所有子孫當共
惜之臣恐茲後藉爲口實妄興工役徼福利以逞私欲
惟陛下察之帝嘉納焉然不能用也 江西行省平章

巴延

舊倫伯
顏今改

遷河南行省平章政事舊有賜田五千頃

在河南以二千頃奉帝師祝釐八百頃助給宿衛自取

不及其半 十一月庚子陝西行臺中丞姚燁請集世

祖嘉言善行以時省覽從之 宣撫使瑪謨哈李讓劾

浙西廉訪使鄂勒哲布哈受賄對簿不服詔遣刑部郎

中索珠鞫其侵奪使者笞之 賑遼陽等路饑 癸卯

中書省言西僧每假元辰疏釋重囚有乖政典請罷之

詔自今當釋者令宗正府審覆 己酉倫鹿頂棕樓

辛亥追復前平章政事李孟官 乙卯廣西透江國猺

爲寇宣慰使邁努諭降之扶靈青溪櫟頭等洞蠻爲寇

湖南道宣慰司遣使諭降之 戊午造中統至元鈔各
十萬錠 封諸王特穆爾布哈爲鎮南王鎮揚州 播
州蠻宋王保來降 己巳徙上都清寧殿於巴伊勒行
宮 錦州水溢壞田千頃漂死者百人人給鈔一錠崇
明州海溢漂民舍五百家賑糧一月死者鈔二十貫
十二月壬午監察御史賈屋請祔武宗皇后於太廟不
報 敕以來年元夕構燈山於內庭御史趙師魯以水
旱請罷其事從之 丙戌以回回陰陽家言天變給鈔
二千錠施有道行者及乞人繫囚以禳之 丁亥寧夏
路地震有聲如雷連震者四 庚寅赦天下左丞相都

爾蘇與平章政事額卜德呼勒

舊倫烏伯都刺今改

以私意欲因

赦酬累朝賈胡所獻諸物之直及擢用英廟至今爲憲

臺奪官者以詔稿示左司都事宋本本曰今警災異而

畏獻物未酬直者憤怨此有司細故形諸王言必貽笑

天下司憲祗有罪者官世祖成憲也今上御位累詔法

世祖今擢用之是廢成憲而反汗前詔也後復有邪佞

賊穢者將治之耶置不問耶明日宣詔竟本遂稱疾不

出 召江浙行省右丞趙簡爲集賢大學士領經筵事

癸巳倫益頂殿 己亥命帝師修佛事釋重囚三人

置大承華普慶寺總管府 御史言比年營繕以衛

軍供役廢武事不講請遵世祖舊制教習五衛親軍以備扈從不報 是歲亳州河溢漂民舍八百餘家壞田二千三百頃免其租大寧路大水壞田五千五百頃漂民舍八百餘家死者人給鈔一錠

泰定四年春正月乙巳御史臺請親祀郊廟先是監察御史趙師魯以大禮未舉言天子親祀郊廟所以通精誠逆福釐生蒸民阜萬物百王不易之禮也宜講求故事對越以格純嘏至是臺臣復以爲言帝曰朕遵世祖舊制其命大臣攝之 庚寅監察御史辛鈞言西商鬻寶動以數十萬錠今水旱民貧請節其費不報 壬子

以中政院金銀鐵冶歸中書 甲寅鷹師托克托病賜

鈔千錠 戊午命市珠寶首飾 庚申皇子允坦臧布

受佛戒於智泉寺 鹽官州海水溢壞捍海隄二千餘

步 丁卯浚會通河築鄆州護倉隄役丁夫三萬人

賑遼陽諸路饑 辛未祀先農 二月甲戌祭太祖太

宗睿宗御容於大承華普慶寺以翰林院官執事 乙

亥親王額森特穆爾出鎮北邊 壬午狩於鄆州 丙

戌詔同簽樞密院事雅克特穆爾舊倫燕帖木兒今改教閱諸衛

軍 戊子進襲封衍聖公孔思晦階嘉議大夫時山東

廉訪副使王鵬南言思晦襲爵上公而階止四品於格

弗稱且失尊崇之意故有是命思晦以宗祀責重恒懼弗勝每遇祭祀必敬必慎先是廟燬於兵後雖苟完而角樓圍牆未備思晦竭力營度以復其舊金絲堂壞一新之祭器禮服悉加整飭又以尼山乃毓聖之地有廟已毀民冒耕田且百年思晦復其田里請置尼山書院以列於學官朝廷從之三氏學舊有田三千畝占於豪民子思書院舊有營運錢萬緡貸於民取子錢以供祭祀久之民不輸子錢并負其本思晦皆理而復之五季時孔末之後方盛欲以偽滅真害宣聖子孫幾盡至是其裔復欲冒稱宣聖後思晦以爲不早辨則真偽久誼

不可明彼與我不其戴天乃列於族與其拜殿庭可乎
遂會族人稽典故斥之既又重刻宗譜於石而孔氏族
裔益明 庚寅八百媳婦蠻酋來獻方物 三月辛丑
皇子允坦臧布出鎮北邊以納哈齊爲惠國公商議內
史府事 癸卯和寧地震有聲如雷 丙午廷試進士
賜阿拉齊李黼等八十五人及第出身 潮州路判官
錢珍挑推官梁楫妻劉氏不從誣楫下獄殺之事覺珍
飲藥死詔戮尸傳首海北廉訪副使劉安仁坐受珍賂
除名 庚申遣使往江南求奇花異果 辛酉召翰林
學士承旨張珪集賢大學士廉恂太子賓客王毅悉復

舊職陝西行臺中丞敬儼爲集賢大學士並商議中書
省事珪乃預經筵事遣使召儼儼令使者先返而挈家
歸易水 壬戌帝如上都 渾河決發軍民萬人塞之

夏四月辛未盜入太廟竊武宗金主及祭器以典守
宗廟不嚴罷太常禮儀院官壬申倫武宗主太常博士
東明李好文言在禮神主當以木爲之金玉祭器宜貯
之別室又言祖宗建國以來七八十年每遇大禮皆臨
時取具博士不過循故應答而已往年有詔爲集禮而
乃令各省及各郡縣置局纂修宜其久不成也禮樂自
朝廷出郡縣何有哉白長院者選僚屬數人乃請出架

閻文贖以資采錄三年書成凡五十卷名曰太常集禮
甲戌伦棕毛鹿頂樓 己卯道州永明縣徭爲寇

癸未鹽官州海水溢侵地十九里命都水少監張仲仁
及行省官發工匠二萬餘人以竹落木柵實石塞之不
止尋命天師張嗣成修醮禳之 癸巳高州徭寇電白

縣千戶張額力戰死之邑人立祠敕賜額曰旌義 乙

未禁星於回回司天臺 湖廣徭寇泉州義寧屬縣命
守將捕之 賑河南奉元諸路饑 五月己未占城來

貢 丁卯罷諸王分地州縣長官世襲俾如常調官以
三載爲攷 元江路總管普雙坐贓免遂結蠻兵伦亂

救復其舊職未幾復飯 是月唯州河溢衛輝路大風
九日木盡偃河南路洛陽縣有蝗四五畝羣鳥食之既
數日蝗再集又食之 六月辛未翰林侍講學士阿魯
衛直學士雅克齊等進講仍命譯資治通鑑以進 中
書參知政事史惟良請解職歸養不允 都爾蘇等以
災變乞罷詔畱之罷兩都營繕工役錄諸郡繫囚 辛
巳造象輿六乘 甲申廣西花腳蠻爲寇命所部討之
乙未汴梁路河決 秋七月己亥御史臺言內郡江
南旱蝗游至非國細故丞相達實特穆爾都爾蘇參知
政事布哈史惟良參議邁努竝乞解職帝曰朕當自儆

鄉等亦宜各欽厥職 修大明殿 建橫渠書院於郿

縣祀宋儒張載 丁未敕經筵講讀官非有代不得去

職 詔諭宗正府決獄遵世祖舊制 庚戌遣翰林侍

讀學士阿魯衛還大都譯世祖聖訓 乙丑周王和寶

拉及諸王雅濟格台等來貢賜金銀鈔幣有差 是月

雲州黑水河溢 八月戊辰滹沱河水溢發丁浚治河

以殺其勢 奉元路治中單鵠言令民採捕珍禽異獸

不便請罷之敕應獵者其捕以進 乙亥苗人寇李陝

寨命湖廣行省捕之 庚辰運粟十萬石貯瀕河倉備

內郡饑 田州洞獠爲寇遣湖廣行省捕之 壬辰御

史李昌言河南行省平章政事童童世官河南大爲奸利請徙它鎮不報 癸巳謚武宗皇后曰宣慈惠聖英宗皇后曰莊靜懿聖升祔太廟 發衛軍八千修白浮瓊山河隄 是月崇明州海門縣海水溢扶溝蘭陽二縣河溢沒民田廬竝賑之通渭縣山崩礪門地震有聲如雷晝晦天全道山崩飛石斃人鳳翔興元成都峽州江陵地同日震 九月丙申朔日有會之 敕國子監仍舊制歲貢生員業成者六人 禁僧道買民田違者坐罪沒其直 壬寅寧夏地震 甲子御史言廣海古流放之地請以職官贓汙者處之以示懲戒從之 帝

特署敬儼爲中正院使復遣使召之乃輿疾入見賜食

慰勞親爲差吉日視事朝會日無下拜是月拜中書平

章政事復以老疾辭不從政異元史宰相表以敬儼爲平章政事在天歷元年十月

與傳異然表於致和天歷之間事多脫畧容有舛誤今從傳閏月己巳太白經天

帝至自上都壬申以災變赦天下詔問所以弭災者

禮部尙書曹元川言應天以實不以文修德明政應天

之實也宜擢浮費節財用選守令恤貧民嚴禋祀汰佛

事止造佗以紓民力慎賞罰以示勸懲皆切中時弊又

論科舉取士之法當革冒濫嚴攷覈俾得真才之用政異

元史曹元川傳倫三年夏帝以日食地震星變案木紀及天文志三年夏無日食事蓋本在四年秋而傳文誤

早書一年也今改正

廣西兩江猺爲寇命所部捕之 甲戌命

祀天地享太廟致祭五岳四瀆名山大川 賑建昌諸

路饑 冬十月丙申享太廟 己亥御史德珠舊倫德住今改

請擇東官官 己酉以治書侍御史王士點爲參知政

事致異宰相表倫十一月今從本紀 癸丑江浙行省左丞相托歡達

喇罕平章政事高昉以海溫病民請解職不允 丁巳

以御史中丞趙世延爲中書右丞以中書參議傅巖起

爲吏部尙書御史韓鏞言吏部掌天下銓衡巖起從吏

入官烏足知天下賢才尙書三品秩巖起累官四品於

法亦不得陞制可鏞濟南人也 壬戌開南州土官阿

只弄率蠻兵爲寇雲南行省招捕之 大都路諸州縣

霖雨水溢壞民田廬賑糧二十四萬九千石 是月中

書平章政事致仕尙文奉年九十二追封齊國公諡正

獻文爲劉秉忠所薦受知世祖歷事五朝才識宏遠嘗

曰天下無難事第恐處之失其要耳累召必勇還家居

縉紳造之隨其器量大小必使受益問者稱之文之奉

元史本傳不繫月今從十一月丙子平樂搖爲寇湖

廣行省督兵捕之 辛卯雲南蒲蠻來附置順寧府寶

通州慶甸縣 以歲饑開內郡山澤之禁 永平路饑

調其賦三年 陽曲縣地震 十二月庚子發米三十

萬石賑京師饑 定捕盜合隄內不獲者償其贓 癸

卯命中書右丞趙世延參議韓讓左司郎中姚庸提調

國子監 乙卯翰林學士承旨蔡國公張珪卒於家

是歲汴梁諸屬縣霖雨河決揚州路通州崇明州大風

海溢 平樂梧州靜江諸徭竝爲寇湖廣行省督兵捕

之 前江南行臺御史大夫哈喇托克托卒延祐末托

克托爲江西行省左丞相英宗嗣位召拜御史大夫特

齊爾先爲大夫陰忌之奏改江南行臺御史大夫復曠

言者劾其擅離職守將徒之雲南會特齊爾伏誅乃解

家居不出者五年及是卒後追封和寧王諡忠獻托克

托嘗卽宣德別墅延師以訓子鄉人化之皆向學朝廷
賜其精舍額曰景賢書院爲設學官其沒也卽於中祀
焉 前翰林學士承旨耶律希亮卒希亮性至孝困阨
遐方家貲散亡已盡僅藏祖攷畫像四時就窮廬陳列
致奠盡誠盡敬仰漢之人咸相聚來觀歎曰此中土之
禮也雖疾病不廢書史卒年八十一追封漆水郡公諡
忠嘉

續資治通鑑卷第二百三